

XEDAPEN OROKORRAK

OGASUN ETA EKONOMIA SAILA

549

EBAZPENA, 2018ko urtarrilaren 23koa, Euskadiko Prezioen Batzordearena, zeinaren bidez onartzen baitira auto-taxietako bidaiarien hiri barruko garraioaren zerbitzu publikoa emateko, Euskal Autonomia Erkidegoko udal batzuek aurkeztutako 2018. urterako tarifak.

2018ko urtarrilaren 23an egindako bilkuran, Euskadiko Prezioen Batzordeak erabaki bat hartu zuen, eta erabaki haren xedapen-zatia segidan argitaratzen da, jende guztia jakinaren gainean egon dadin.

ERABAKIA

Ekonomia eta Plangintza Zuzendaritzan sarrera eman zaie Euskal Autonomia Erkidegoko udal batzuek aurkeztutako eskabide batzuei, zeinen helburua baitzen auto-taxietako bidaiarien hiri barruko garraioaren zerbitzu publikoaren 2018. urterako tarifak berrikustea.

Auto-taxietako bidaiarien hiri barruko garraioaren zerbitzuari dagozkion tarifak prezioak kontrolatzeko araudiari loturik daude, «autonomia-erkidegoko prezio baimenduak» modalitatean, Izaera fiskaleko eta jarduera ekonomikoa sustatu eta liberalizatzeko presazko neurriei buruzko ekainaren 7ko 7/1996 Errege Lege Dekretuaren 16.4 artikuluari jarraikiz (ekainaren 8ko BOE, 139. zk.).

Euskadiko Prezioen Batzordeari dagokio eskumen hori hala xedatuta baitago lege-xedapen hauetan: Euskadiko Prezioen Batzordea arautzen duen otsailaren 2ko 35/2010 Dekretua (otsailaren 16ko EHAA, 31. zk.); Baimendutako prezioak eta jakinarazitako prezioak berrikusteko prozedurari buruzko Ekonomia eta Ogasuneko sailburuaren 2010eko ekainaren 15eko Agindua (uztailaren 6ko EHAA, 128. zk.).

Aipatutako arauak ekonomia-oreka jakin bat lortzekoak dira. Gainera, bizitza-kostuarekiko prezioak osatzeko tresnak zaintzekoak ere badira.

2018. urterako aurkeztu diren tarifak berrikusteko espedienteak aztertuta, tarifak nahikotzat jotzen dira eta zerbitzua ematearen kostu-egituraren barruko kontzeptuetara egokitzen direla uste da.

Horrenbestez, Euskadiko Prezioen Batzordeak honako hau erabaki du:

Lehenengoa.– Auto-taxietako bidaiarien hiri barruko garraioaren zerbitzu publikoa emateko, Euskal Autonomia Erkidegoko ondoko udalek aurkeztutako 2018. urterako tarifak onartzea, Balio Erantsiaren Gaineko Zerga barne dela:

1) Astigarragako udala, Buruntzaldeko eskualdekoa:

1. Tarifa (1)			2. Tarifa (2)		
Gutxieneko tarifa (3)	Egindako km	Itxaronaldia, orduko	Gutxieneko tarifa (3)	Egindako km	Itxaronaldia, orduko
5,2019	1,1059	21,2222	6,2004	1,7715	33,3527

(1) Tarifa hau lanegunetan aplikatuko da, 07:00etatik 22:00etara.

(2) Tarifa hau igandeetan eta Autonomia Erkidegoko eta tokiko araudian jaiegun diren egunetan aplikatuko da, baita larunbatetan ere. Halaber, lanegunetan ere aplikatuko da, 22:00etatik 07:00etara, baita egun hauetan ere: abenduaren 24 eta 31.

(3) Gutxieneko tarifak 1,5 kilometroko ibilbidea edo 5 minutuko itxaronaldia hartzen du.

2) Alegia, Villabona, Tolosa eta Zizurkilgo udalak, Tolosaldeko eskualdekoak:

1. Tarifa (1)			2. Tarifa (2)		
Gutxieneko tarifa (3)	Egindako km	Itxaronaldia, orduko	Gutxieneko tarifa (3)	Egindako km	Itxaronaldia, orduko
4,1049	1,0077	18,2726	4,6327	1,5330	26,9164

(1) Tarifa hau lanegunetan aplikatuko da, 07:00etatik 22:00etara.

(2) Tarifa hau igandeetan eta Autonomia Erkidegoko eta tokiko araudian jaiegun diren egunetan aplikatuko da, baita larunbatetan ere. Halaber, lanegunetan ere aplikatuko da, 22:00etatik 07:00etara.

(3) Gutxieneko tarifak 1,5 kilometroko ibilbidea edo 5 minutuko itxaronaldia hartzen du.

3) Vitoria-Gasteizko Udala:

1. Tarifa (1)			2. Tarifa (2)		
Gutxieneko tarifa (4)	Egindako km	Itxaronaldia, orduko	Gutxieneko tarifa (4)	Egindako km	Itxaronaldia, orduko
4,28	0,883152	23,29	5,36	1,306068	27,03

Tarifa 5 (3)		
Gutxieneko tarifa (4)	Egindako km	Itxaronaldia, orduko
5,79	1,306068	27,03

(1) Tarifa hau lanegunetan aplikatuko da, 07:00etatik 22:00etara.

(2) Tarifa hau lanegunetan aplikatuko da, 22:00etatik 07:00etara, bai eta larunbatetan, igandeetan eta jaiegunetan ere, 07:00etatik 22:00etara, eta abenduaren 24 eta 31n ere bai. Halaber, irailaren 10ean (Olarizu eguna), 13:00etatik aurrera. Baita egun hauetan ere: abuztuaren 4, (13:00etatik aurrera) 5, 6, 7, 8 eta 9a (Vitoria-Gasteizko Jaiak).

(3) Tarifa hau ostiraletan, larunbatetan eta jai bezperetan aplikatuko da, 22:00etatik 07:00etara.

(4) Gutxieneko tarifak 1,5 kilometroko ibilbidea hartzen du.

Bigarrena.– Erabaki honek Euskal Herriko Agintaritzaren Aldizkarian argitaratu eta biharamunetik aurrera izango ditu ondorioak.

Ebazpen honek amaiera ematen dio administrazio-bideari, eta, beraren aurka, aukerako berraztertze-errekurtsoa aurkez daiteke, hilabeteko epean, Euskal Herriko Agintaritzaren Aldizkarian argitaratu eta biharamunetik hasita, edo zuzenean administrazioarekiko auzi-errekurtsoa aurkez daiteke Euskal Autonomia Erkidegoko Auzitegi Nagusiko jurisdikzio horretako salan, hilabete biko epean, argitaratu eta biharamunetik hasita.

Vitoria-Gasteiz, 2018ko urtarrilaren 23a.

Euskadiko Prezioen Batzordeko burua,
JORDI CAMPÀS VELASCO.